


玉蟾集 五

白真人文集



漢書門		類	
一〇二八七	號	函	架
七	冊	一	架

內閣文庫		漢書	
一〇二八七	號	冊	架
二五	函	二	架

內閣文庫	
番號	漢10287
冊數	7 (5)
函號	315 133

共七



海瓊王瞻先生文集卷第五

淺草文庫

南極老人臞仙重編

山陰

何繼高

新安

汪軫行全校
劉懋賢

五言絕句

立春

顓帝位方禪勾芒印已交芭蕉有封事黃鳥莫說饒

早行

店遠鷄聲近月斜人影長再三謝風露拜賜一天涼



風窓

窓隙針來大霜風聖得知耳邊如箭急直把菊花吹

遠景

岸樹冥茫外人家點書中斷煙分紫翠殘照抹青紅

梅花

影上酥花峭枝頭蠟糝清姮娥約勝六夜半過江城

江頭

江上初收雨雲頭尚戀山歸帆巡古岸晴草守滄灣

許旌陽故宅

詩多唐代刻栢尚晉時青想得真君劍猶餘蛟血腥

示周道士

人行秋色裏詩入畫圖中笑指白雲頂猿啼第一峰

得友人書

千里如天遠三年不此來書從雲外至手把月中關

五夜

五夜風吹露杯間鳥喚羣鐘聲和月落驚起四山雲

步自玉乳峯歸

薄暮一凝佇歸鴻千有餘倚松吟半餉月影瀉庭除

月映山頭禿雲迷路口又仰天方索句一鶴立松

課園夫

已屬畦丁了都將菜甲耘數時稽食籍醢芥又羨芹
問我何厨傳珍鮮蒲故園笋方青剥指茄欲紫垂拳

蠟梅

破苔如凝蠟粘枝似滴酥恍疑菩薩面初以粉金塗

寶慈寺

殿古涵煙冷樓空得月多鍾聲巡遠岫塔影卧清波

木犀

雨送炎官印風宣白帝麻欲知秋面目細看木犀花

江樓夜話

江霧秋樓白燈花夜雨青九天無一夢此道付晨星

獨步

月澹黃茅路煙明紅葉村有懷如阮籍更贈一聲猿

晚眺

嶺口雲拖白江頭葉借緋西風來問罪老火不須威

晚酌翛然閣

殘暑猶拖尾新涼恰打頭酒方屯魯郡舞已徹伊州

閑縱偶成

已具看雲眼而生伴月心西風相體認紅盡綠楓林

落梅

終日聽鶯語商量一樹梅看承花未了排辦雨將來

春晴

宿靄縈餘凍鬆陰挾嫩晴朝來花萬福鶯奏起居聲

牧童

楊柳陰初合村童睡正迷一牛貪草嫩喫過斷橋西

送別

十日九風雨一春三別離予嗟吟骨瘦子亦坐詩癡

夜醉

襲襲瑤瑤爛醉如泥了睡至谷谷呱東窓梅影曉

南湖

已拾詩盈篋猶如酒滿船湖光清似鏡俯仰兩青天

送郭進之

避暑白雲鄉茶甘齒頰香海城悲暮角煙樹淡斜陽

睡起雨作

一枕夢雲過半空詩雨來新蟬吟不了盡晚自啣杯

風雨

隔岸蘆招手 沿溪柳拜人
兩庑黃竹路 水嚙白沙津

惜春

薄倖東風者 無心半點春
桃花吹滿地 片片似魚鱗

泊舟聽雨

人已就船眠 犬知何處吠
雨來開秋江 全似茶鐺沸

醉吟二首

松風吹我飛 手搦空中月
笑指蓬萊山 可補銀河缺
醉掬山先走 行呼月後隨
欲眠梧影下 又恐白雲飛

感詠十解寄呈楊安撫

大隱在朝市 仙人好樓居
方平今白髮 未許見麻姑
身如雲樣輕 心似月兮皎
何物堪贈君 一顆安期棗
風吹五花輦 露綴九光輿
夜半紅塵起 琴高失鯉魚
上界足官府 大仙多拘束
遂令東方朔 只戀殿前肉
王女鳴珂珮 投壺不憶題
劉安無復傲 殿殿叩星扉
酒專風月權 詩欠江山債
恐是試長房 塵勞君少耐
伊昔為句漏 其心在丹砂
丹成遽仙去 不且判鸞花
雞翹豹尾中 鳳閣鸞臺客
何似許旌陽 西山煮白石

躍馬西湖道載酒湖水濱一蝶忽花下招之論大椿
青山猶古人碧草亦大雅幽鳥話昇平陳搏何爲者

擢歌九章寄彭鶴林

榔聲擊空碧帆影浮滄浪倚擢蓼花洲一犬吠斜陽
鷗飛梅山前翠中一點雪何處鐘聲來雲稍推上月
碧潭藏老龍夜半水底吟激飛寒空露淒動幽人心
岸上酒旗舞寒蕪生秋風誰家六七童手持金芙蓉
波心採蓮女流花近吾船移船入蘆荻吹笛下晴川
朝吸西風餐夜弄明月舞萬頃碧琉璃下有王

黃昏杳無人孤江但翠竹惟有白鷺鷥伴我舟中宿
夜闌笙鶴鳴銀汀斗欲瀉可憐舟中子散髮蒼山下
青山嶮落日白楊吐悲風欲覓玄真子滄洲雲濛濛

芙蓉

臨水靚芙蓉一花還兩影上倚夕陽斜下浸秋波冷

月夜書事

月光流如酥天影湛於水饑鶴啄梅花風吹酒波起

晚吟二首

山似詩肩聳江如酒量寬雲描秋色老松寫暮聲寒

山色重拈出秋雲似削平可憐松下路月黑不堪行

曉晴

昨夜天成雨今朝水滿池睡酣渾不覺想見竹聲奇
月落松方暗花非鳥正啼青山春窈窕碧草曉凄迷

泊舟順濟廟前

梧葉落蒲地西風洗九天鶴聲明月夜曾此繫吾船

山居

月落雞吹角夜長鵝報更山中無曆日日出即天明

山前散策

月影黃昏後詩天眼界寬野香尋得見石背一枝蘭

有懷聶尉

五首

身豈能為患心何可得安想應知鶴怨未得伴鷗閑
北闕投封事南山返故廬李衡千樹橘張琰一園蔬
月濕松梢露溪鳴竹裏風是中有詩味何日一樽同
不是無知己相忘獨有君孤襟開皓月往事付浮雲
劍浦猶殘堠螺江始問津向來風浪惡回首謝靈均

徐道士水墨屏

四首

鴈側風前字烟凝雨後情不知誰氏子持釣立江城

人遠看來短山遙淡欲無水邊漁舍密天際客帆孤
亂山草斜出危岡竹倒懸人家春樹裏山色夕陽邊
霜月沉青嶂汀鷗卧白沙曉風刪竹葉秋霧補山丫

春宵有感 八首

春夜常如歲何妨秉燭嬉百花俱中酒萬竹自吟詩
安得安期棗如瓜恐不然楚江萍似斗秦華藕如船
百念今何女何年遂大刀瑤池春不老誰復敢偷桃
憎却堤邊柳青絲復爾長自憐愁裏鬢不覺暗中霜
月落知何處夜長無了時幽人春自感鶯燕亦何知

書來相借問客至欲如何自草黃庭去歸來管割鵝
命駕承千里論文且一樽春高人易老風雨閉柴門
多愁君自爾不樂我何曾西北山如削明朝約共登

閑吟 三首

東園風雨霽一巷海棠開曲折穿花去深行忘却回
回首鳥啼夜傷心月滿樓真成花命薄不及柳風流
啼鳥千山暮輕風一路清草連江色暝月對夕陽明

聽琴 有序

夫琴慄舒即心喜憂心逸琴逸心戚琴戚琴感諸

心心寓乎琴心乎山則琴亦山心乎水則琴亦水
心乎風月琴亦倚之而於絃外求之斯道也已黃
庭三疊可舞胎仙紫經九靈可諧造化瓠巴死人
非鍾子期嗚呼琴在人亡世無琴矣廬山杏溪高
人吳唐英延帝一於絳宮召太和於丹府濶其所
傳而養而嫁之於琴也予過聽之絃指相忘聲微
相化其若無絃者也故作是詩以美之

十指生秋水數聲彈夕陽不知君此曲曾斷幾人腸
心造虛無外絃鳴指甲間夜來宮調罷明月清空山

聲出五音表彈超十指中鳥啼花落處曲罷對春風

山菴曉色

燭影奪明月鍾聲撞曉雲蘿盤餘栢子傾作一爐焚

雪窓

素壁青燈暗紅爐夜火深雪花窓外白一片歲寒心

贈船梢

苦海無船渡衆生到岸難勸君齊着力結取萬人歡

風臺遣心 二首

春色濃於酒梅花瘦似詩長青今歲葉粲白去年枝

鷓報千林曉梅供一枕香曉來春思倦餘夢尚悠揚
青盡池邊柳紅開檻外花數時長病酒今日且分茶

王艷亭卽事 五首

正月梅花盡一溪春雨香燕方尋故壘蜂已葺華房
夙酒縈懷處芳亭桂頰間一鶯黃翠柳雙鷺白青山
黃鳥新聲變青山霽色妍預為寒食地晴放海棠天
犬見行人吠牛尋熟路烟光迷碧嶂花片點蒼苔
風雨平安日山林富貴天笋芽青露爪蕨蕪紫伸拳

偶作 二首

露滴中宵月松搖古谷風三身紅菖蒲四智碧芙蓉
雪後竹君子霜前松大夫梅殘半點白猿叫一聲孤

飲徹

美事般般四良辰多憂憂霜風冰硯水山月影軒窓

蝨

褲裏無供給禪頭儘受降賜之湯沐罷投置不毛邦

山齋夜坐 二首

嗅花風入鼻掬水月浮身夜靜焚香坐空山一箇人
驚夢猿三咽窺帷月一痕無人空犬吠依舊掩柴門

護國寺秋吟八首

鴈過天成畫魚驚水作紋
 簷牙宵吐雨殿春曉馱雲
 酒弄三竿日詩成一枕風
 寒聲落鴻鴈秋意著梧桐
 樓影秋江白苔碑卧夕陽
 水昏沙暮起一一鴈南翔
 嫩竹容歸鵲寒松捧落暉
 危紅和露落落空翠撲衣
 飛竹手擎雲重松肩荷月
 高烟收天地闊醉目數秋
 毫犬吠月如晝馬鳴人渡
 橋更無詩與酒虛度可憐
 宵香篆孤烟裊燈龕寸火
 微夢和明月冷心與白雲
 飛星似螢千點雲如鶴一
 雙孤吟寒不寐落葉打空
 窓

春日散策

水長二三尺梅餘六七花
 明朝須不雨今晚已成霞
 柳眼開何媚蒲芽長得伸
 寒花方謁日新燕已參春

寒食

日落千山暝風吹一路香
 燕依花色紫鶯體柳絲黃

冬暮

風落松梢雪山收竹外烟
 清吟凝醉眼獨立聳新肩

倚馬觀二鶴

對舞鳴仍和雙飛去復回
 歸家十載遠丹竈付蒼苔

卜居

路似羊腸遠溪如燕尾分青山相領略許我一丘雲

感春

晴少春光淺寒多酒力微一聲山鷓過數點海棠飛

山前行散

人在鶯花裏春歸杖履中風迎何處鶴宿我洞門松

水蛭

屋宅纔蝸大身軀與蚓般楚王吞不得勅賜鷺鴒餐

春日自省 二首

燕語今生事花開夙世紅不知終日醉何以謝春風
雪洗桃花面烟描柳葉眉與春同是夢安用賞春為

春晚

我恠東風點暗知春欲歸盡將楊柳絮剪作雪花飛

六銖 五首

身衣六銖衣笑折瓊林花豈知人間世有人服葶藶
人間百春秋天上一晝夜六丁驅日輪長過咸池下
紫皇坐瑤臺勅我草洞童落筆三百首飲我白玉漿
我看紫綺裘俯視蓬萊洲手把八空烝縱身雲中游

我醉輒指麾莫向太帝說要煉五彩石去補西天缺

棘隱壁 三首

苔空綠錢死松老清陰瘦結廬卧白雲栢子燒春晝
幽鳥噪巖谷寒煙鎖薜蘿忽遇金蟾蛛無人自呵呵
碧草正春風雨晴竹落涕白鳥忽飛來點破一山翠

霞隱

仙翁棲紫霞顏童髻不華客來問玄機笑指菖蒲花

露珠

秋河一滴露夜墮即珠然吹入玉盤裏走盤如許圓

六言絕句

題丹晨書院壁

春晝花明日暖夏天柳暗風涼秋桂月中藏影冬梅
雪裏飄香

冬夜巖居 二首

回首青鸞何處長空萬里蒼煙中酒梅花月夜懷人
松籟霜天

孤澗月華明水半簾梅影香風惆悵謫仙何處無人
共倒金鍾

田舍

清閑實天所惜富貴於我何如野馬書空咄咄醯雞
擊缶烏烏

苦雨

櫻桃大如紅乳芍藥開似巨觥不念蝶蜂苦雨妬煩
鶯燕祈晴

偶成

柳葉枝枝弄碧花梢點點粘紅尚有幾分春色還我
一半東風

午睡

簾織湘筠似浪帳垂空翠如烟一片睡雲鷺散綠槐
高處風蟬

秋熱

槐窓過兩項雨竹榻無一張涼風揭蓮花白起月篩
桂子黃香

謝葉文思惠茶酒

先將茶蘼薰酒却採枸杞烹茶子謂人非土木賢知
吾豈匏瓜

呈嬾翁 六首

倦子冷居姑射居士高卧毗耶鈍置詩盟酒約只自
焚香喫茶

酒惡頻將花嗅睡酣便把茶澆秋到梧桐枝上夜來
風雨蕭蕭

金醴青如竹葉玉娥白似蓮花聞君微恙脫體杖藜
欲訪君家

蓮葉嫵風狼籍稻苗得雨精神翻憶武夷九曲去秋
艤棹溪邊

醉時枕上化蝶睡起筆下生蛇日長心下無事饑來
只是餐霞

秋雨織愁成段暮雲過眼生花棲鳳亭中寂寞武夷
舊有仙家

七言絕句

武夷有感 十首

春

雨霽煙凝正夕陽子規啼斷幾人腸東風不動此情
思無限落花春自香

夏

鶯喚綠楊抽嫩葉蝶催碧藕發新花颯然一點薰風
至日落前山噪亂鷗

秋

雨餘秋蘚幾堆錦日出朝葵千簇金對景適然發清
嘯野猿驚泣綠楊深

冬

幾尺雪藏山徑暮一枝梅簇洞門春溪頭昨夜冰寒
綠風捲彤雲發曉嗔

曉

風吹萬木醒棲鵲月落西山啼斷猿雲捲翠微深處
寺一聲鍾落碧巖前

暮

碧雲紅樹晚相間落日亂鷗天欲昏人去採芝不知
返草廬空自掩柴門

行

兩脚初收起暮煙芒鞋竹杖翠雲邊東風解發陽春
意放出落花啼鳥天

住

月冷風清三徑竹猿啼鶴唳一窓雲開門放入前山
翠試把星兒栢子焚

坐

千山猿叫月如晝萬籟風號天正秋霧濕蒼苔煙漠
漠白雲飛夢過瀛洲

卧

巖下煙深人不來白雲寂寂掩蒼苔松花落地鳥聲
寂一枕清風送夢回

題精舍

到此黃昏颯颯風巖頭只見藥爐空不堪花落煙飛
處又聽寒猿哭晦翁

漁舍

江上蓼花紅似血江頭沙磧明如雪前山後山寂無
人一犬夜吠松梢月

午頓

笋方合爪蕨擎拳好與同叅詩裏禪居士聞韶今已
久爐峯為我曉生烟

酌貪泉因弔吳隱之 三首

人其祿士為齷鹽谿窞民財飽未厭不識隱之心與
日酌泉依舊只清廉

酌之一似取廉名未酌泉時本自清向使無泉亦無
語不貪不酌更分明

晉人相扇以清名何事因泉始立清清到饑寒妻子
地此清太不近人情

栩菴力高士與同散步 二首

老槐蒼蒼嫩槐綠小麥青青大麥黃燕已生雛鶯已

去落花不管蜂蝶忙

功名不直一杯水富貴於我如浮雲詩句清妍仍淨
遠游絲飛絮絮聽繽紛

示如淨講主

浩浩春風泛碧梧娟娟秋水照芙蓉大師佛法無多
子居士身心本一如

重九

踈風冷雨北山南時見歸鴻度碧潭重九日人多是
醉雨三枝菊總斜簪

閩中曉晴賞牡丹

晴窓冉冉飛塵喜寒硯微微暖氣伸喚醒東吳天外
夢化為南越海邊春

憶鶴

洞裏不知城市改人間再到子孫非有誰尚自看華
表何處如今叫令威

夜半

夜半風吹遠夢回直從海上忽飛來回頭但見山三
徹席猶餘酒一杯

朝斗

夜樓一穗玉爐煙飛入三天最上天朝罷滿空風露
晚世人應是更貪眠

過石梯

小傘輕包手自携少需脚力過危梯入門失問翁高
姓看盡壁間前後題

城樓晚望

女墻駕月子城東暮色初來詩興濃綠暗紅稀春結
局望中白鳥入青峯

仙居樓

萬籟沉沉清夜闌樓前獨自倚欄干金雞叫罷松風動三十六天秋月寒

折梅

夜半披衣凭玉欄天風吹露灑琅玕前臺後臺月如水雲去雲來梅影寒
一朶寒香已自奇高丫兩朶更清姿樹前樹後花都絕折了南枝折北枝

幽興

一春病酒廢登臨風攪石楠花滿林山色有無煙聚散溪光動靜鳴浮沉

夜深

一晚尋思未得詩檮前只有月相知夜深欲睡還貪坐坐到五更鍾動時

灸燈

觀裏多時道士僧只知貪酒百無能黃昏鍾了無人跡借得鄰房一盞燈

偶書二首

手撚茶蘼綠酒惡十二欄干凭一角歸興應如春樣
濃前亭後亭花自落

絳闕清都何時到滄海桑田誰與憐三十六天歸路
穩撚花對酒一凝然

墨竹

虛舟惠我一墨竹紙上森森一枝玉展向庭前與鶴
看今宵不許枝頭宿

鶯

踏折海棠花一枝一枝花露濕金衣捎將粉蝶直飛

去却在綠楊深處啼

春晚憶故人

車痕馬跡遍江湖且捲琴書又草廬芳草兩堤二月
暮故人千里一書無

贈相士徐碧眼

碧眼何須青白為冰辭霽語不吾欺君看袞交腰金
者曾見騷壇大將誰

雪晴二首

桃李無言蜂蝶忙曉寒未肯放春光花將計會千山

雪風為我埋一夜霜
早上新鶯語尚蠻花無氣力倚雕欄幸蒙殘雪回頭
早又遣東風薄俸寒

梧窓

夜半山風響翠梧一窓皓月照琴書試將筆架山頭
屋間有清幽似此無
世事如塵掃又生梧窓終日坐冥冥有時飲罷却行
樂立看風吹閣上鈴

盤雲

今古無門閉是非無心出袖已知機于今收拾歸山
谷不逐春風上下飛
筆架山頭一片雲盤旋巖谷不求伸時人只恐清風
起吹作皇都雷雨春

戲鶴林

柱下固能官老子漆園亦可祿莊周鶴林不仕知何
意快取青氈趁黑頭

覽鏡

歲事幹輟好送窮頭今未雪臉猶紅一回覽鏡一回

老天已安排欲我翁

黃岡

海山千里起風沙
拂拂籃輿細雨斜
雲裏桂松連岫
碧自酤市酒慰蕉花

贈別徐監觀

曉來自點素馨湯
兩朵蓮花隔宿香
夜醉至今猶未
醒荔枝取次對離觴

送鄭陽春

前身莫是鄭安期
井竈重來跡已遺
澗底菖蒲無可

採共君細讀漢時碑

蝸牛

有宅一區長自負
受田百畝不能耕
壁間銀篆方猶
濕早已枯然夢兩楹

早秋

雲來雲去狀秋陰
細雨籠晴夕照沉
半夜月明千籟
靜一聲猿叫萬山深

七仙寺石履

踏遍三千及大千
除非鐵脚始能穿
當時達磨持歸

去何事傳來到七仙
古人參罷祖師禪已證如如不動尊想見脚根堅似
鐵履鞋化石儼然存

次韻王將仕

散髮披襟樂醉鄉從朝笑語到斜陽坐來一片蟬聲
久未信人間有此涼

白霧重重山復山山光樹色有無間是中紫翠皆詩
料病起無聊着句難

示周道士

前山隱隱起雷聲細雨絲絲濯旱氛何處飛來松上
鶴晚風唳斷九天雲

秋日書懷

桂花已是上番香楓葉飄紅柿葉黃社日雨多晴較
少秋風晝熱暮差涼

檢點秋光莫問天只從鴻鴈見推遷未霜楊柳老多
病旣雨芙蓉美少年

秋風秋雨索人詩雲放千山翠色奇重九數來還漸
近木犀開了不曾知

殘春

昨日春光更水涯
水涯今日已春賒
春歸只道無蹤跡
尚有青苔一片花

蕭侍郎故居

王笥山前蕭子雲
手携白壁翫青春
碧壇夜夜松風起
八十二人朝玉宸

行春辭

一斗百篇誠有之
無人知我只春知
吟逢蝴蝶卽莊子
醉見海棠真貴妃

春來春去不知時
只有詩人冷眼窺
夜雨揩磨好山色
曉風擡舉舊花枝

園園是日是花開
我又何朝不醉來
井有人焉蛙兩部
日之夕矣蝶三臺

借彼笙簫鼓笛中
詩人隨分得春風
提壺處處著監酒
布穀朝朝講勸農

幾日春功似有加
曉來萬象盡排衙
羣鶯主管園林事
一雨巡行桃李花

終日尋春入醉鄉
不知何處見春光
風條舞綠水楊

柳雨點飛紅 山海棠

政是風嬌日 駭天薔薇粉 褪海棠 焉貴人 那得看花

福多在綠窓 猶醉眠

綠楊無力暖相依 不管黃鶯訴 落暉水被魚吹成雨

點花為蝶擾 逐風飛

寶馬香車政踏青 豈知已自過清明 燕雛告訴花都

落鳩婦丁寧雨速晴

山歌

中秋夜月白如銀 照見東西南北人 古往今來人自

老月生月落幾番新

典釵賣劍買中秋 買得中秋醉又休 明日酒醒無米

煮兒啼妻怨其來由

人來人去唱歌行 只道燈明不月明 月不如燈燈勝

月不消觀月但觀燈

農歌

上田稻似下田青 乳鴨見鵝陣陣行 稻熟酒新鵝鴨

大村歌社舞賀秋成

春晚行樂

一點春山一點愁
一絲暮雨一聲鳩
病中况更綠詩
苦夜去可堪無酒休

今夜遙知春欲歸
望春不極立多時
草迷野渡東西
岸月挂寒松上下枝

曉雨初收翠靄濃
此番二十四番風
忽驚春暮翻為
雪乃是楊花飛滿空

落紅庭院綠池塘
語燕啼鶯亦可傷
霽柳吹花卷已
老暝槐成幄日初長

舟中晚眺

小立船窗揭起篷
晚來帆幅飽西風
望他鴻鴈一雙
去過了峯巒千萬重
不成無語立江濱
事事堪吟句句新
白鷺前身真釣
叟青山今日是詩人

江上散縱

欲曉江頭杖策徐
一峯西去衆峯趨
不知林裏猶僧
寺少立忽聞敲木魚

話舊

風露三更月一簾
共君握手不能厭
酒盃滿泛榴花

色燭焰斜抽柳葉尖

夏日遣興

枕簟來尋瓜李盟銀床金井已關情牡丹芍藥成前
輩茉莉素馨方後生

素馨藥點粉描筆紅藕花開金鑲杯乳燕新蟬相對
語詩人何日不亭臺

四壁青山翠打圍詩人坐久澹忘歸橋邊荷葉欹頭
立水底蜻蜓仰面飛

聞子規

二十年前怯杜鵑枕邊時把淚珠彈如今老眼應無
淚一任聲聲到月殘

問子規

綠柳陰中間子規勸人歸是勸春歸人須回首春須
暮何不成都西去飛

成都一作青城

潤夫飯僧景泰相款信宿告歸

夢中也學雲峯路未老來游蒲澗山無數老僧閑道
士笑人騎馬出松關

送鄭道人歸羅浮

鐵作橋梁雲作蓋石成樓觀水成簾歸時猿鶴煩傳
語記取前回白王蟾

贈徐鍾頭

樓上踈鍾撞月明五雲影裏一聲聲九天星宿皆朝
斗人世曉雞渾未鳴

問春

不教蜂蝶畧來此豈是春神病酒耶燕語鶯啼今幾
日風魔雨難許多花

舟行

梢子歡呼御曉風詩人亦自起推蓬數來數去山都
亂忘却前峯與後峯

秋園夕眺

木犀凋儻散麩金松舉笙竽竹奏琴臨水芙蓉自見
女鏡邊刺繡晚沉吟

夏夜露坐

披襟岸幘藕花橋一片哀鴻度碧霄新月出來真解
事嫩蟬吟得自無聊

春宵酌雨

更無半點海棠飛一聽黃鶯雨裏啼啼得碧壇紅藥
破淡煙芳草蒲長堤

嘲杜鵑

杜宇聲聲蓋自嗟春殘何事更天涯不歸則是歸還
是伊是無家或有家

曉巡北園七絕

隔水人家似畫圖鬢邊香露綴成珠日高又五雲猶
宿烏鵲已歸三哺雛

柳色花光映曉雲半窓紅日已東昇行人隔水自相

語無數鶯啼聞不曾

蜂蝶如知春欲歸雨餘鶯亦縷金衣東風盡把楊花
剪吹作滿城輕雪飛

池邊弄水手猶冰藕臂風寒更粟生柳葉春深槐葉
淺桃花夜暗李花明

非雲為侶更無人獨倚雕墻詩思冥日色淡紅煙色
紫山光濃綠水光青

雨餘花點滿紅橋柳雪粘泥夜不消曉霧忽無還忽
有春山如近又如遙

白雲集卷五
游人脚踏杏花泥花片吹風點綺衣為復殘春催杜
宇是他杜宇喚春歸

水村吟霧

淡處還濃綠處青江風吹作雨毛腥起從水面縈層
嶂恍似簾中見畫屏

巖下聞鷓

行繞松林不見鷓只疑山後噪查查更移數步俄回
首縮脰蹲身立樹丫

枯松

霜鱗雪爪一枯松恍似湖心見白龍想得呂仙曾點
化擎雲攫霧欲騰空

示英州風僧

宗門老衲舊儀刑配字年來老轉青誰道南能無一
物如今英石盡銅腥

江亭夜坐

月冷松寒露滿襟天容紺碧鶴聲沉夜深獨把欄干
拍只有長江識此心

東山道院

煙月荒涼野色寒松梢滴露夜將闌人家曠絕無雞
犬一鶴飛來點翠山

暮色

江煙漠漠月昏昏一點漁燈貼岸根風攪長蘆鷓睡
起游鱗驚動水花痕

牛渡問舟

歲晚行人苦欲分山昏水暮鳥尋羣舟行棹進空回
首一望蒼梧但白雲

泊頭場劉家壁

春深空度可憐宵江岸風沙好寂寥人問孤舟多少
恨五更寒雨報芭蕉

羅浮山上過鐵橋

飛雲頂下見羅浮五色瓊禽繞石樓行過鐵橋猿嘯
罷稚川丹竈冷颼颼

繪蓮

筆底荷花水面浮纖毫造化奪工夫為誰畫出生絹
上泰華山頭玉井圖

濃淡色中勻粉膩淺深痕上著臙脂華堂展處南薰

起一似西湖六月時

劍池

人間無處著青蛇池水清冷浸落花幾度清風明月
夜悵然無語憶張華

九曲雜詠

流水光中飛落葉白雲影裏噪幽禽人間幾度曾孫
老只有青山無古今

一曲昇真洞

得得來尋仙子家昇真洞口正峰衙一溪春水漾寒

碧流出紅桃幾片花

二曲王女峰

插花臨水一奇峰玉骨冰肌處女容烟袂霞衣春帶
雨雲鬟霧鬢曉梳風

三曲仙機巖

織就霓裳御冷風玉梭隨手化成龍天孫歸去星河
畔蒲洞白雲機杼空

四曲金雞巖

水清寒潭潭著月山藏空谷正吞烟金雞初報洞中

曉吟喔一聲飛上天

五曲鐵笛亭

滿天沈瀼起清風白鶴飛來上翠松月有山空吹鐵
笛一聲喚起王淵龍

六曲仙掌峰

仙子捫蘿上翠崖巖頭舊有煉丹臺至今在上留仙
掌十指春葱漬綠苔

七曲石塘寺

高僧叅透趙州禪拔寺移歸兜率天天聖二年四月

朔一宵雷雨撼山川

八曲鼓樓巖

萬丈高巖聳石樓雲暈烟楠瞰寒流幔亭昔聚曾孫
宴石鼓拏歸古渡頭

九曲新村市

落日移舟上碧灘桃花林外見青山耳邊忽爾聞雞
犬不遇劉郎不肯還

九曲櫂歌十首

武夷

三十六峰直絕竒一溪九曲碧漣漪白雲遮眼不知處誰道神仙在武夷

一曲

幔亭峰下泛仙船洞口瓊花鎖翠鈿一自魏王歸絳闕至今哀怨嶺頭猿

二曲

山下于今幾代孫當時簫鼓寂無聞丹爐復爾生春草玉女峰前空白雲

三曲

仙舟停棹架巖頭黃鶴歸天今幾秋蒲洞桃花人不見一溪綠水爲誰流

四曲

萬頃秋光無著處蒲潭清水瑩青銅金雞叫落山頭月淡淡寒烟颯颯風

五曲

聞道誰知鐵笛聲石崖轟裂老龍驚當年人已服丹去千古荒亭秋草生

六曲

仙掌峰前仙子家客來活火煮新茶主人搖指青烟裏瀑布懸崖剪雪花

七曲

寂寂秋烟鎖碧灣往年此地有禪關水神移入龍宮去一夜風雷吼萬山

八曲

幾點沙鷗泛碧流蘆花兩岸暮雲愁鼓樓岩下一聲笛驚落梧桐飛起秋

九曲

山市晴嵐天打圍一村雞犬正殘暉稻田高下如棋局幾點鷓鴣飛與鷺飛

華陽吟二十二首

家在瓊崖萬里遙此身來往似孤舟夜來夢趁西風去目斷家山空淚流

海南一片水雲天望眼生花已十年忽一二時回首處西風夕照咽悲蟬

白雲和我到天台眼入青山意豁開到彼山中結茆屋空餘千古夜猿哀

拄杖隨身入武夷幔亭峰下雪花飛行從九曲山頭
看萬壑千巖翠打圍

武夷結草二年餘花咲鶯啼春一壺流水下山入出
洞巖前空有煉丹爐

得訣歸來試煉看龍爭虎鬪片時間九華天上人知
得一夜風雷撼萬山

白馬江頭咲一聲紅光紫霧水中生急抽匣內青蛇
劍攪得黃河徹底清

移將北斗過南辰兩手雙擎日月輪飛趨崑崙山上
去須臾化作一天雲

戲泛金船到海涯暗隨海水度流沙一從登著蓬萊
岸去看瓊臺閨苑花

人身自有一蓬萊十二層樓白玉階姹女金翁常宴
會堂前夜夜牡丹開

恠事教人咲幾迴男兒今也會懷胎自家精血自交
媾身裏夫妻真妙哉

一吟一醉一刀圭真炁真精滿四肢若到酒酣眠熟
後滿船載寶過曹溪

元神夜夜宿丹田雲滿黃庭月滿天
兩箇鴛鴦浮綠水水心一朵紫金蓮

饑餐一兩黑龜肝寒向丹田猛火山
但見心頭無點事不知人世有饑寒

青牛人去幾多年此道分明在目前
願識目前真的處一堂風冷月嬋娟

片餉工夫煉汞鉛一爐猛火夜燒天
忽然神水落金井打合靈砂月樣圓

一泓神水滿華池夜夜池邊白雪飛
雪裏有人擒鬼趕教明月上寒枝

不動絲毫過玉關關頭自有玉京山
能於山上通來往風攪九天霜雪寒

誰識週天造化工于今蹙在片時中
只將鉛汞入真土煉出金花滿鼎紅

昨夜三更雷撼山九天門戶不曾關
曹溪路上分明見有箇金烏入廣寒

烝蓋山河心膽麓不能學劍不搜書
夜來掇得乾坤動火候温温守王爐

白玉蟾集卷五
拈弄溪山詩伎巧吐吞風月酒神通且將詩酒瞞人
眼出入紅塵過幾冬

贈詩仙

學詩有似學仙難煉句難於學煉丹換骨脫胎君有
訣炷香特特扣詩壇

題光孝觀

偶然騎鶴去游仙來訪泉山古洞天一劍當空又飛
去碧潭驚起老龍眠

贈藍琴士 三首

江湖見說老藍公今日相逢在玉隆竹樣精神梅樣
骨况君梅竹在胸中

逍遙閣下暮烟生相對無言坐復行彈盡胡笳十八
拍床頭劍吼月三更

夜來莫說西山冷見說廬山夏有冰直恐與君相別
後錯聽猿嘯作琴聲

清靜經

大地山河一卷經拈來題目甚分明山花野草皆談
說蠢動含靈側耳聽

招賢道士

解鞍默默對斜暉無限詩懷在翠微
一句秋鴻來入耳兩行客淚下霑衣

秋思

滴盡池荷無柰雨吹翻井葉可憐風
溪毛山骨猶無恙尚有蘆花對蓼紅

徐仙

崇安縣黃連坑

採樵有遇纔三日歸路還家已十年
自古得仙非苦節此坑安得號黃連

憶西湖

銀月窺人夜漏沉斷蒲疎柳忽關心
西風為報西湖道留取芙蓉供醉吟

問花

驀地詩心到海棠問花開未曉來忙
村童熟睡不知喚惟有流鶯語似簧

梅花醉夢

紙帳梅花醉夢間了無它想鼻雷鼾
鴛鴦愁鳳恨不入枕睡覺身疑在廣寒

栢子家風

山居剩得靜乾坤竹鼎時將栢子溫會似趙州參得
透等閑莫與俗夫論

首夏 三首

懶中倍覺我神清煩惱如今葉似輕青士庭前銷書
暑蒼官枕上送秋聲

日與浮雲相往還落花啼鳥總相關初無東觀北門
夢只在西山南浦間

滿目晴巒總是詩詩情飛絮逐遊絲雨肥碧澗落花

水風瘦青松啼鳥枝

與永興觀主梅

破袖懸鶉鬚髮蒼山前山後樂相羊三更月影如酥
白一樹梅花似雪香

玉艷冰英絕可憐卽之時復一嫣然姑蘇日暮逢西
子采石江明見謫仙

春詞

春光若海渺無邊日暮歸來泛玉船紅釀海棠紅似
雪翠嬌楊柳暗如烟

千紅萬紫競繁華
鶯燕多依富貴家
上巳蘭亭修禊事
一年春色又楊花

瘦沈皤皤莫自匆
花邊有酒且從容
春三二月東風裏
鶯百千聲翠柳中

柳困花慵風力輕
脫禪衣袂過清明
喚晴喚雨鳩無準
飛去飛來燕有情

日上禪衣試綠羅
情知春暮亦無何
風吹一架茶藤雪
酒惡頻將玉藥挪

晴簾暖幕咲如烘
春事還歸縹緲中
紅藥一枝寒食
過東風萬點海棠空

春色將窮詩未窮
開樽姑爲慰東風
偶然行到青苔上
尚有殘英一片紅

祈雨伏虎菴

梵相無言旱氣奢
三農無飯欲蒸沙
後頭香穗成禾穗
塵尾天花化雨花

冬夕酌月

半規新月滑如酥
流入清樽一吸無
明日定知廣寒殿
姮娥失却水晶梳

鬼冷蟾寒桂影疎化爲霜露瀉庭除已驚栢液冰吾
齒莫弄梅花粟爾膚
二毛可惜雪霜侵日有清都絳闕心枝冷鵲翻詹外
影庭空鴻墮月邊音

贈明講師

昔從師在月巖時我過鵝湖卽語離每見孤鴻每生
感不曾一日不相思
豈謂東吳得再逢二俱老盡少時容來從上國鶯花
裏墮在朝川圖畫中

雪中

朔風吹冷裂窓紗重把羅幃繡幕遮青女先將霜起
早素娥始放雪飛花
曉來紅日尚羞明四外形雲欲詐晴一夜九天開土
闕六花萬里散瑤英
飛廉滕六逞寒威費酒陪詩爲解頤雪待夜深飛落
盡梅嗔風惡放開遲

龍虎山祈雨早行有作

兩三條電復無雨六七點星微上雲鞭起卧龍我騎

去揮戈叱問五雷君

題樓鳳亭

亭前綠密玉成叢
鳳宿枝頭烟雨空
簫管一聲人未寢
滿林明月浸清風

竹也多年管風月
鳳兮幾夜宿雲烟
林間有客吹簫去
竹化成龍鳳入天

潘氏亭前飲一宵
酒酣對竹嘯瓊簫
不知樓鳳來多少
鳳去人歸竹寂寥

聲傳琴瑟風生枕
影瀉琅玕月滿庭
白鳳飛來枝外

宿夜深點破一林青

梅花有嘆

蒼苔玉艷委西施
王膽冰姿尚伯夷
春色一般清濁異
梅花亦自有安危

中秋月

千崖爽氣已平分
萬里青天輾玉輪
好向錢塘江上望
相逢都是廣寒人

卧雲

滿室天香仙子家
一琴一劍一杯茶
羽衣常帶煙霞

色不惹人間桃李花

題客省

煉就紅鉛不計斤五湖四海十餘春今朝杖屨廬山
下雨笠烟蓑一箇身

洞前亭

洞前春水漾桃溪洞後數聲青鳥啼二十四巖風雨
夜神仙過此話刀圭

送林古虛歸閩

名落江湖二十春江湖那個是知音于今拄杖挑明

月雲滿千山何處尋

和劉司明韻題臨溪亭

臨水皤然兩鬢絲山烟凝翠入鶉衣橫吹鐵笛且歸
去懶把漁竿立鮮磯

黃仙菴字謎

青紅白黑欠中央聞道西人已大方二十一入田丁
電阿誰訪之詹仲皇

登愛閣有感

五六年前彭覺非同登愛閣翫荷池如今再到還重

省十二闌干謾雨絲

琴

夜靜無雲月似銀青宵鶴唳一傷神子期玉骨寒於雪世上知音能幾人

天窓

屋頭除却數條椽政好臨風對月眠行客只從門外過豈知屋裏有青天

七臺山

六月泉聲帶雨寒斜陽染出淡紅山白雲無恙青楓

老不見龔劉振錫鏢

春風

一一鬚梢一霧珠曉來雨意尚躊躇落花也避東風惡水面相驅鞦韆向隅

燕燕子飛引蝶狂嬌鶯歌懶吟蜂忙庭前萱草臺前竹也學春風舞綠楊

底事東風苦欲寒不教詩客縱游觀無端虛把鞦韆送落盡梨花似雪團

遠草將人雙眼行飛花誤蝶乞流鶯更饒一夜東風

劣且博三朝五日晴

觀物

蜂占薔薇封食邑
蟻侵螺贏借軍須
雨天風急鳩呼婦
水國烟寒鴈喚奴

曉鷺守溪園口腹
暮蛛借屋計家生
不羈野馬空中騁
無喘蝸牛壁上耕

荷池追涼

清曉無人知此涼
岸巾植杖立銀塘
晴霞燒眼收將歛
荷葉生風綠水香

舟程苦遲

水馬輕便勝陸行
衝風溯水及多程
溪流詰曲成千摺
雲色陰晴沒十成

曉醒追思夜來句

孤夢歸從偃月城
清寒入骨倚危亭
雪花散作楊花片
酒色酤來竹葉青

茆屋蕭然詩滿懷
一天風雪白皚皚
身如紙帳梅花夢
心似香爐柏子灰

孤雲野鶴寄山家
不料寒空璨六花
越樣月明渾不

夜箇般天氣好分茶

竹林如洗靜娟娟雪意猶酣曉色鮮雲纏山腰腰帶
緩雨沾水面面花圓

立馬待舟

拂曉匆匆馬首東嫩寒初破酒無功自知霧帽清珠
濕少立霜橋脆玉鬆

夕眺風泉亭

風泉亭霽光涵空爽氣在野岡嶺伏躍烟嵐飛浮
風吹雲來目送鳥去歛爾神會恍如天游幽泉琮

瑋不能自己於是乎詩

苒苒斜陽戀竹邊秋陰慘昧響寒泉如何今夜成無
月却遣西風一問天

拄杖相尋訪夕陽詩肩獨聳到昏黃白蘋洲上西風
起黃葉聲中秋意長

西風黃葉夕陽村山水蒼寒霧靄昏手撚菊花都是
淚枯松骨立綠毛鬢

鳳簫閣翫月

一醉高寒清到骨四無塵滓月當空光芒萬里今猶

昔年落十年西復東

暮靄收無歸鳥盡鳳簫閣上聽松濤宿枝不穩鷓飛

起照水當中月上高

畫閣歸然百尺危吹來花片點春衣黃昏壁月溪心

浴白晝銀盤水面飛

鳳簫吹斷無人見但有寒光拂太虛仰面唉天天亦

唉此心如月月何如

栩菴同步偶成

枯木冷灰甘寂寞片雲孤月自優游君生平事皆如

夢我兩眉間不著愁

同鄧孤舟林片雪二友晚吟

扁舟如葉片帆孤少霽臨江得句無雨竹似人扶酒

病風松學我撚吟鬚

君非愛此數峰青肯戀扁舟尚蓼汀群鴈橫空成一

字孤螢度水似雙星

江天漠漠但黃蘆鴈鶩相呼日已曛雨過月如金趙

壁烟深山似給秦圖

上元翫燈

碧玉融成萬里天
蒲城羅綺競春妍
柳梢掛月黃昏
後夜市張燈白晝然
上界天官此按行
五雲深處有簫生
一輪寶月明如
晝萬斛金蓮開滿城

寄王察院

不讀儒書讀道書
故人聽我自江湖
君今一武登臺
省我亦三清直殿廬
恩怨榮污總不知
片雲隻鶴久相期
驅磨花月三千
斷送風波十二時

黃金臺迥鴛鴻集
碧玉壺深日月長
大隱從來在朝
市謫仙况復富文章

新正

九天日月開黃道
十洞烟霞接紫清
為問蟠桃當熟
未人間春草幾枯榮
九重天上星三點
萬項波心月一鈎
醉有百篇來筆
下愁無半點到眉頭
一番桃李又春風
送古迎今事不窮
南北故人鴻去
外東西野渡雪晴中

張樓

前度相逢一似曾瘦寬金鐲可憐生綠窓朱戶如無
恙酌我百杯秋月明

中秋

風卷青天落大江江風江水自春撞萬千人看中秋
月十二樓開八面窓

董樓

文章道德今誰似事業功名我不無十載江湖一杯
酒夜深說與董歸奴

對月

深秋荷敗柳枯時霜蟹香棖副所思月要人窺嬌不
上風知我醉放多吹

醉袖舞低千嶂月清歌遏住九天雲鴻歸燕去傷秋
老鶴唳猿啼覺夜分

烟顰雨蹙到今朝嫩火温香破寂寥月下飲殘千日
酒雲間吹斷一聲簫

水澄熊白成壺酒楓染猩紅滿路旗坐待西風迎素
月青天咲我獨詩癡

早巳碁中悟死生不須鬚上看勲名風吹酒面秋情
眇月透詩腸夜未清
山似愁眉烟畫翠月如醉眼暈生紅鶴雛踏碎芙蓉
影酒思詩情渺碧空

易道錄招飲

竹風不斷涼如水山雨無聲細似塵世事總歸簪上
雪人生聊寄甕頭春
詩酒交游如骨肉江湖聚散似雲萍已煩鶴唳供頭
盞且借嵐光作畫屏

素白見招真慷慨蒼黃欲赴又趑趄命存一定百年
見事要十全千古無

詩疵得似維摩病酒聖能如孟子醇何事多時疏杖
屨亦緣避俗屏冠巾

名於瑚璉斯爲貴身與鴻毛孰較輕詩社近來多筆
塚醉鄉何處得愁城

夏日睡起

圓玉響中銷日未鏗金徽外作風悲萬蟻戰酣山雨
至饑腸雷動且吟詩

谷簾下

紫巖素瀑展長霓草木幽深霧雨凄竹裏一蟬聞竹
外溪東雙鷺過溪西
步入青紅紫翠間仙翁朝斗有遺壇竹梢露重晝猶
濕松裏雲深夏亦寒

棲真觀

鞭雷斬孽震南昌拔宅昇天謁玉皇西嶺雙楓南瀑
布自言曾識許旌陽

感興

又見荷開滿故園夙紅昨紫儼然存畫梁飛燕前身
趙曲檻歌鶯阿姊樊
酒興詩狂似蝶蜂終朝上下逐東風梁間燕共何人
語庭下花無百日紅

夜坐憶劉玉淵

多多瀉酒愁無况久久吟詩淡有情花作雪飛深一
寸月隨雲上恰三更
夜已三更忽坐忘吟魂醉魄政悠揚孤鴻見召聽寒
角殘月相辭過粉墻

冰枯雪老尚天台使我詩腸日九回歸去來今須歲
暮歲云暮矣不歸來

蟋蟀 二首

白髮秋來又幾莖萍蓬湖海困平生三更窗外芭蕉
影九月床頭蟋蟀聲
秋暮何聊飲不多素空皓月舞傿傿也知落葉風前
拍似應寒蛩砌下歌

贈觀菴主

蹲鴟味美還師獨楮拙青喜我同拄杖出門誰會

得松梢浩浩嘯天風

湘江遇雨

騷人載酒泛瀟湘預約寒鷗立岸旁雨點斷蓬休作
梗浪聲與枕始相忘

冥鴻閣卽事

臘雪飛如真腦子水仙開似小蓮花睡雲正美俄驚
起且喚詩僧與鬪茶
雪白霞紅雲色黃晚風先辨曉來霜吹開一路江梅
藥薰作九天沉水香

瑞香倍蕾破寒晴稚子呼爲紫素馨萬斛幽香量不
盡霜風吹送暮天青

夜飲青蓮居士家高吟大咲對梅花饜杯自喜更籌
緩醉墨偏隨燭影斜

董雙成舊隱

斷霞殘雨洗虹橋群鴈銜枚度碧霄半夜風鳴雲裏
珮乘鸞人弄月中簫

月戀梅窓呈水墨風依竹檻奏笙竽金幡玉勝無從
見尚想雲間唱步虛

安仁縣問宿

幕燕翻雷天作雲一聲歸鳥萬林昏荒城寂寞無堪
酒燈下搯頤雨打門

孤疑

筠皮月靜鋪金屑仙掌雲寒砌玉花人在華胥初夢
斷亂山滿目一聲鷓鴣

洞虛堂

青牛人去幾千年此道分明在眼前要識箇中端的
意一堂風冷月嬋娟

贈沙書先生

生蛇滿地走如飛入石三分未是奇
撥取恒河歸掌握毫毛不動始知機

陶弓手棄役入道

青黑文身志氣豪生擒六賊脫塵勞
當年尚有彎弓手射殺三尸入大羅

山居

松竹成林雲氣深洞門風冷綠苔陰
落花飛盡青山在幽鳥聲中野客心

楮衾滴破松梢露草屨淘穿石縫泉
猿在嶺頭聲未斷道人月下伴雲眠

一片幽心卧紫霞松梢凝翠夕陽斜
尚無心緒聽啼鳥那有工夫掃落花

竹風瑟瑟野猿號月下酣眠不脫蓑
恐致丹爐傷白蟻懶燒松燭惜飛蛾

天靜無塵夜半時鵲烏啼罷衆星稀
數峰明月光無盡一洞閑雲淡不飛

卽事君子堂

白雲集卷五
五十一
墻頭榴火正燒空
風削蒼雲作數峰
避葉荷花如避暑
病香愁態若爲容

南薰喚起蓮花悟
西照催歸燕子忙
自洗霜刀來切藕
傳君嚼玉嚙冰方

招風竹下涼生扇
弄水荷邊香滿衫
自拾落花揩面汗
喚將紅白酒相攬

枝頭尚有爛黃梅
次第荷花白者開
庭雀被人驚得慣
作群飛去又飛回

自點雌黃改自詩
苧衣不著著蕉衣
前山何故枯松

上半月巢空鶴不歸

雙谿館

兩點文章翰墨星
夜翺雙鶴入青冥
樓前爲憶張華劍
八百年來無血腥

書懷

一春十病九因酒
三月都無兩日晴
明日乘驢芳草路
綠楊深處聽啼鶯
山色未教晴日染
松聲時聽晚風梳
韶光九十去無幾
春雨春烟鎖翠蕪

奉酬臞菴李侍郎 并序

愚嘗為觀使待制侍郎鳴珂粉社觴詠自娛游雲
 宿簷竒峰走案心融目悟與物為春動容周旋義
 聘左右自非服雲漿吸月液者不能爾也方茲霜
 醉雪嬌酥顰玉笑蜂聞露葉雀檐風英發為聲詩
 五雲絢目豈山野之所宜蒙義暖情香詞珍翰綺
 得之如嚼玉餐香於玉山之前矣勉強次韻聊以
 解頤學伯夷者未得其清先得其隘學柳下惠者
 未得其和先得其不恭蠻語侏離然雖續貂其殆

類狗者也

坐對梅花撚白鬚吟邊有酒不須酤松窓昨夜冰生
 硯凍合銀床讀易朱

南枝纔放兩三花雪裏吹香弄粉些淡淡着烟濃着
 月深深籠水淺籠沙

全是山林居士風不知位重更官穹名書玉几金甌
 内心在蒲團紙帳中

滿月世界琉璃光通宵不寐據胡床語言玉潤篇篇
 錦心膽冰清字字香

酒紅沁面暈成霞笑
燃吟髭數暮鷗不入朝廷
鴛鴦侶自甘白髮
插梅花

見鶯

夜來新長水三尺
雨過橫流春一溪
翠柳顰眉花閣淚
乳鶯空對婦鳩啼

鮮怡寡樂負清明
簾外花如紅淚傾
又是殘春將立夏
如何到處不啼鶯

一鶯飛去一鶯啼
桃李一空春已歸
踏破蒼苔殊可惜
坐着流水拽斜暉

幽居雜興

岸花洗面初收雨
江草搖頭已怯風
獨立無聊聊送目
西邊落日叫孤鴻

陽春有脚三杯酒
野戰無譁一局棋
見說王門堪炙手
抱猿弄鶴不曾知

月來佐酒如隨牒
花自從詩各寄名
盡把煙霞歸節制
閑中排日聽泉聲

流憇

蒼崖萬仞倚空寒
一道飛泉瀉半山
到此倚欄聊植

杖少時款款入松關

洞明軒

夜坐幽堂聽玉泉松號風吼不成眠蒲團裏面真消
息猿叫千山月正圓

元旦在鶴林偶作

東風吹散柳梢雪一夜挽回天下春從此陽春應有
脚白花富貴草精神

酬顏宣教

柳梢黃鳥韻綿蠻風雨將春暗鎖關鎮日吟詩無好

旬坐看乳燕語梁間

螺青山下皆地錦花

螺青山縮青螺髻地錦花鋪錦地衣雨過花嬌山色
舊疑山解舞欲狂飛

許天游見過

禪外西風風外葉鴈邊落日日邊雲詩仙世界無疆
場一片青山共子分

江口有懷

霜將楓綠染為紅風把蘆花縷作茸雲自幕天誰釘

掛月來佐酒與從容

丹楓偷落風無覺白鷺微行魚不知兩地南樓今夜

月一般清皎百般思

飛行

飛行三十六天門我是東華上相孫戲把蟠桃列出

核王童持去種崑崙

劍光長咲古劉家不斬流星只斬蛇縱得歷年三四

百蟠桃猶自未開花

龍潭

尖峰簇簇穿林笋曲徑盤盤繞_以藤中有古潭深萬

丈老龍獨卧似禪僧

驚崖却立挨斜日老檜前臨接斷烟水鳥負暄閑整

翼山禽相賀已晴天

雙蓮

一池蓮蒼漾紅霞並蒂雙花足賞嗟醉面相看誰得

似三郎夜飲王真家

傷春詞寄紫元

幽人抱膝掩柴門八九漁家烟水村坐對青山兩無

白雲集卷五
語春風春雨送黃昏

幽人何事苦傷春
春雨無端愁殺人
不但幽人獨愁怨
江頭多少柳眉顰

孤村古館雨淒淒
客裏愁聞烏夜啼
枕冷衾寒纔閉目
春風吹轉夢魂迷

望眼生花淚已枯
青衣也合遞歸書
客情無奈春風雨
更問春空有鴈無

次韻永興王宰游鍾成觀

萬斛蒼烟戀釣磯
一川秋綠漾清暉
空明隱映流光

薄翻憶當年蘇紫微

眼力招回西去山
風蘋烟蓼白鷗閑
歸舟滿載斜陽返
款乃一聲空翠間

霜夕吟月

神飄骨竦影悠揚
獨撚吟鬚惱醉腸
霜月惹人於冷寞
溪梅挑我以清香

吟魂縹渺邁霜空
立影惺然翠閣東
素喜半鈞西面月生
憎一箭北頭風

月夕書事

白王蟬集卷五
六十三
悲秋念遠夜將闌黃葉乘風直斬關微白一鈎天外
月淡青數點海邊山

疑潮

卧聞雨吼是潮奔直恐橫舟墮海門
几百可疑多若此萬今千古共誰論

落梅

惆悵風前問落梅既開不久底須開
芳心未忍輕離折更遣殘香度水來

贈何畫梅

一枝照夜向清寒恍似孤山跛馬看
却恐春風咎毛穎泄他消息貌他顏

舟次吉溪

十年三過吉溪灘想被溪梅笑往還
塵暗壁間題跡舊蒲斟杯酒慰寒山

送晉上人游鴈蕩

嶺峇猿啼秋樹月林間鶴唳曉松風
此行鴈蕩須參透依舊歸來玉几峰

嘗青梅

青梅如豆試嘗新脆核虛中未有仁
勘破收香藏白處冰肌玉骨是前身

荷花

小橋劃水剪荷花兩岸西風暈晚霞
恍似瑤池初宴罷萬妃醉臉沁鉛華

春雨

柳色烟光正闌青桃花落盡杏花驚
風從窻入雨在簷前滴到明

春興

草根未放曉霜稀驟冷初暄蝶倦飛行到碧桃花下
看新花良是舊枝非
未收盟籜且看雲空翠濛濛霽色分日線穿窻蜂透
出隔窻花影動欣欣
茁草葉交萱草葉桃花枝映李花枝餽風餽雨休相
惱放我水邊林下嬉
曉日激昂山吐霧東風從史水生波燕纔邂逅鶯相
款花自將迎蝶見過
細雨如毛暮靄濃山光水色醉春空認來認去燕還

舍吹落吹開花使風

望中白鳥入空無一帶青山似畫圖宿雨初醒雲半
斂垂楊微困水平鋪

嬌烟嫩靄弄晴暉誰見詩人太息時風主庭前花壽
天水占溪上柳安危

晚春遣興二絕

不但風飈雨更尤落英蒲地訴春愁詩人分韻留春
處一句韓詩七箇闌

臨臨春去却成晴花落無聲片片輕一句杜鵑香國

淚半簾皓月故人情

春夕與西林老月下坐

燕子呢喃君得知深談實相妙難思久參貝葉云何
梵一見桃花更不疑

一物言無也大奇如何半夜却傳衣於知見處生知
見在是非中起是非

竹園

可惜洋州不再生此君只許伯夷清霜刪近覺林方
瘦笋礙渾無路得行

一片琅玕香淨天風吹細細雨娟娟龍孫始學斑衣
戲鶯子從談玉版禪

自咲園丁職事新一春風雨為供申筍如滕薛皆爭
長瓜似朱陳已結親

菜羹

一卷仙家煮菜經宰夫失笑太官礮藍田山裏空餐
玉豈識聞韶別是清

扇

懷袖相忘去不能也知輕薄惡蚊蠅南風雖汝持權

柄只恐秋風見汝憎

山歌

桐峯悟道
書示同參

幾家娘子守黃昏多少郎君醉打門睡了不知明月
好三更三點似金盆

與趙將軍

見君除授千牛貴過眼光榮一蠓微人爵未如天爵
美脂韋只道布韋非

醉頭一月不曾梳共整扁舟又太湖昔日舞雩多一
唯他人陋巷只如愚

芒鞋布襪與青藜朝市迷心忽幾時料得山中猿鶴
冷多應相怨不相思

瑤臺散天花詞

夜半冷然御八風下觀四海氣濛濛舉頭忽已三更
上上有瓊樓十二重

諸天綵女一雙雙十二樓前並捧香太乙真人乘白
鶴雲中端簡候虛皇

翠幢絳節忽紛紛空裏笙簫節奏聞碧玉宮中花似
雪蕊珠殿下鶴如雲

竹裏桃花

風吹雨洗玉猗猗雲捲霞舒錦陸離竹夾桃花花映
竹雅如翠障綉西施

水糲

火宅煎熬不自由就中滂瀉幾沉浮翻身得入清涼
國也合甘心喫水休

烟中梅花

烟裏梅花別是清略無風動亦寒馨如焚古鼎龍涎
餅坐對幽窓水墨屏

湖上偶成

葭蒲蒲蕩起晴烟總屬霜鷗雪鷺天一
片紫菱開十字中間放過采蓮船
湖天清曠萬緣虛暫借僧房作宰
宰夢覺風涼歸去晚蒲空飛翠撲
籃輿

睡起

清似垂竿釣楚江酒兵已退睡魔
降霜風吹破梅花曉霧月飛浮竹
影窓

次韻王御帶

曉風吹醒桃花醉暮雨添成柳葉
愁醉了又愁愁又醉鶯煎燕燭過
春休

徐處士寫予真

心潛天地笑藏春月珮雲衿絕一
塵前世率隨天上客今生大宋國
中身

次韻曾文探梅

夜半風吹雪滿堦頭巾不裹把窓
開南枝暗就江頭發一點香從月
下來

紅梅

明皇愛雪響雲營侍宴官娃不計名守等太真眠未
起醺然秉燭到深更

王妃初醉下瑤臺紫霧深深撥不開却恐錯穿桃杏
徑高燒銀燭照歸來

題武夷 五首


不見虹橋接幔亭空餘水綠與山青客來別出此奇
勝五曲溪頭大隱屏

龍躡仙掌岩頭水鶴唳幔亭峰上雲但得明窓塵一
七躍身去謁武夷君

芳草暗分流水綠老松剛借遠山青獨拈鐵笛溪頭
立吹與洞中仙子聽

顯道真人去不回幔亭不見舊樓臺曾孫倚着寒松
立日落風悲猿自哀

山從千層青翡翠溪流萬頃碧琉璃遊人來此醉歸
去幾箇親曾到武夷



卷之三

三

立教所由也

立教所由也

立教所由也

立教所由也

立教所由也

立教所由也

